

Bidestveanîna mafên neteweyî
yên gelê Kurd di çarçoveya
Îranek Demokratîk û Federalî de

Hejmar: 47
15'ê September
Buha: 150 Tûmen

agiri

Sala Nû Ya Xwendinê Pîroz Be

Di rojên beriya me de sala nû ya xwendinê dê dest pê bike. Bêguman pêşeroja civaka Kurdistanê hewcehî bi zanebûn û perwerdebûna giştî keç û kurên me di navendên xwendin û zanistî de heye. Em vê boneya pîroz ji tev aliyekê pîroz dikin û ji xwendekar û mamostayên re hêviya serkevtinê dikin.

Malbata Weşana Agirî

Rojnameya panzdehrojî ya siyasî, çandî û giştî

Partiya Demokrat ya Kurdistanê Îranê diweşîne

Kofi Enan got:

“Îran Amade Ye Rewşa Herî Xirab Qebûl Bike”

Daxuyaniya Deftera Siyasî
Ya PDK Îranê, Bi Hinceta
Pêkhatina Heştêmîn Civîna
Komîteya Navendî



R. 2

Peyama Deftera Siyasî Ya
PDK Îranê Ji Bo
Konferansa Salane Ya
YCDK Îranê Li Swêdê

R. 3

Konferansa Giştî Ya
YCDK Îranê Li Swêdê



R. 3-4

Xelkê Kurdistanê Li
Ehmedînejad Pêşwazî Nekir



R. 4

Carnameya Pêşgîrî Ji
Tund û Tûjî Dijî Jinan

Beşa 1



R. 7

ŞERDEBÛN



R. 10

Kofi Enan, Sekreterê Giştî yê Neteweyên Yekbûyî piştî gera xwe ya 2 hefteyî ji bo Rojhilata Navîn, di hevpeyvînekê de bi rojnameya "Financial Times"ê re, ji dewletên Îranê û Sûriyê xwest ku ji bo çihgîrkirina aramî û tenahiye di Rojhilata Navîn de bi civaka navneteweyî re alikariyê bikin.

Derheq pîrsa Etomî ya Îranê, Kofi Enan diyar kir ku dewleta Îranê di pêvajoya dosya Etomî ya xwe de tu nermiyekê ji xwe nişan nade û li ser helwestên xwe yê her car bi îsrar e. Enan got: “Îran amade ye rewşa herî nebaş qebûl bike, di rasî û şasiya biryara xwe de, gelek bawerî bi xwe heye.”

Kofi Enan anî ziman ku rayedarên Îranê nigeranê vê çendê ne ku renge êrişa leşkerî bi wan bihê kirin û eva di halekê de ye ku aboriya Îranê ne ewqas xurt û bihêz e û ew hevav tevî welatên din yê herêmê tevnagerin.

Sekreterê Giştî yê Neteweyên Yekbûyî gotiye ku Îran niha rastî hinek dorpeçkirinan hatiye, di asta navneteweyî de bi pirsjirêkên mezin re berbirû hatiye kirin, balafirên Îranê berdewam dikevin xwarê û dewleta Îranê nikare alavên hewce yê balafirên ji derve bikire.



Amerîka:

“Konseya Ewlekar Ya NY Aqibet Dê Îranê Rastî Hisarên Aborî Bike”

Berdevkê Wezaretê Derwe ya Amerîkayê roja pêncşamî, 14.09.2006'an diyar kir ku Konseya Ewlekarî ya Rêxistina NY aqibet dê Îranê rastî dorpeçkirinên aborî bike. Çunkî Îranê dema diyarîkirî (31'ê Auguste) a Konseya Ewlekarîyê ji bo rawestandina mehândina Uraniyûmê berçav




negirtiyê û divêt bihê cezadan. Her di vê derheqê de endamên Konseya han li ser cezadana Îranê ne yekgirtî ne.

Rûsiya û Çîn bi nisbet baykotên li ser Îranê nerazî ne.

Amerîka û gelek ji hevalbendên wê li ser vê baweriyê ne ku Îran bi dizî ve li cehda bidestxistina çeka Etomî ye, lê Îran vê yekê ret dike.

Neviyê Dr. Qasimloyê Nemir Zewicî
**Dawetek Bi Çek û Cilên Pîroz Yê
Pêşmergatiyê Li Bajarê Pragê**



Rûpela 9

**Konferansa
Navneteweyî Ya
Lêkolînên Kurdî**



Rûpela 5-6

Daxuyaniya Deftera Siyasî Ya PDK Îranê, Bi Hinceta Pêkhatina Heştemîn Civîna Komîteya Navendî

H ewwelatîyên hêja!
Xelkê azadîxwaz yê
Kurdistanê!
Alîgir, endam, Kadro û
Pêşmergeyên PDK Îranê!

Komîteya Navendî ya PDK Îranê, hîlbijartiya Kongreya sêzdehem ya partiye, seet 16:00'ê paşnîvroja roja duşem, 20'ê Xermanana 1385'ê Rojî, hevberî 11.09.2006'an, heştemîn civîna xwe lidar xist û piştî 3 rojan xebatên berdewam, demjimêr 20'ê êvarîya roja çarşem, 13.09.2006'an dawî bi karên xwe anî.

Heştemîn civîna Komîteya Navendî di destpêkê de bi îlankirina deqîqeyekê bêdengî bo rêzgirtin ji canê paqij yê şehîdan dest pê kir. Piştî bernamê û destûra karê civînê kete ber raya beşdaran û li pey pejirandina bernamê û destûra karê civînê, hevalê hêja û xebatkar, Kekê Mistefa Hicrî, Sekreterê Giştî yê PDK Îranê bas û şîroveyeke siyasî derheq guhertinên nava du civînan partiye di asta deverê, Îranê û Kurdistanê de pêşkêşî civîna Komîteya Navendî kir.

Şîroveya siyasî ya Sekreterê Giştî yê PDK Îranê, di çend basên civînê de kete ber bas û piştî vê çendê ku beşdaran civînê dîtin û nêrînên xwe der barê her yek ji wan bas û mijaran xuya kirin, hate pesendkirin.

Di vê şîroveyê de bi hûrî û berfirehî îşare bi şerê navbera Hizbelaha Lubnanê û Îsraîlê hatibû kirin. Di vê derheqê de civîna Komîteya Navendî ya PDK Îranê Komara Îslamî ya Îranê wekî hayder, pêkîner û sebebkarê şerê navbera Hizbelaha Lubnanê û Îsraîlê da zanîn ku bo careke din piştgiriya vê rejîmê ji destek û girûpên

Civîna Komîteya Navendî ya PDK Îranê Komara Îslamî ya Îranê wekî hayder, pêkîner û sebebkarê şerê navbera Hizbelaha Lubnanê û Îsraîlê da zanîn ku bo careke din piştgiriya vê rejîmê ji destek, girûpên tundrew yên terorîstî ji raya giştî re da kifşê û eşkeretir û zelaltir ji berê fitneçîtî, maytêkirin û destêwerdana Komara Îslamî di kar û barên hundir yên welatan bi armanca alozî û tevlihevkirina tenahî û rewşa herêma Rojhilata Navîn derxist holê



tundrew yên terorîstî ji raya giştî re da kifşê û eşkeretir û zelaltir ji berê fitneçîtî, maytêkirin û destêwerdana Komara Îslamî di kar û barên hundir yên welatan bi armanca alozî û tevlihevkirina tenahî û rewşa herêma Rojhilata Navîn derxist holê û careke din ev rastiye da xuyakirin ku heke Komara Îslamî ya Îranê bi van siyasat û kiryarane çekên Etomî bidest bixe, dikare tirs û gefeke mezin bo ser tenahî û aramiya herêmê be.

Di şîroveya siyasî ya Sekreterê Giştî de qala rewşa Îraqê bi giştî û Kurdistanê Îraqê bi taybetî hatibû kirin. Di vê derbarê de civînê tevî îşare bi aloziyên herêmên Navend û Başûra Îraqê, keyfxweşbûna xwe ji pêkhatina hikûmeta hevgerî ya Kurd û yekgirtina her du îdareyên Hikûmeta Herêma Kurdistanê nîşan da û helwesta Serokatîya Herêma Kurdistanê derheq ne hildana ala Îraqê ya serdemê Beesê li Kurdistanê bi gaveke neteweyî hesiband û piştgirî dayê.

Derheq Îranê, heştemîn civîna Komîteya Navendî ya PDK Îranê, îşare bi kirîza Etomî ya Komara Îslamî tevî civaka cihanî kiriye û encama her dij kiryareke Konseya Ewlekariyê û civaka cihanî li hember serhişkiyên Komara Îslamî xiste stûyê vê rejîmê.

Civîna Komîteya Navendî rêz ji tevger û serhildana nerazîbûnê ya neteweya Azerî girt ku di meha Banemera îsal de hate lidarxistin û ew tevger bi bizaveke neteweyî hesiband ku di halê xurtbûnê de ye.

Civîna Komîteya Navendî ya PDK Îranê liv û tevgera nerazîbûnê a neteweya Kurd li Kurdistanê Îranê seba bersivdana gel bona vexwendina PDK Îranê bi hinceta 22'ê Pûşperê, hevdehemîn salvegera terorkirina Dr. Qasimloyê nemir û liv û tevgerên din di

seranserî Kurdistanê de bi rûmet hesiband û rêz û hurmet jê girt.

Civîna Komîteya Navendî ya PDK Îranê li ser girîngiya xurtkirina Kongreya Neteweyên Îrana Federal tekez kir û pêşdebirin û pêşveçûna pêvajoya xebatên vê kongreyê wek sebebke jêhatî ji bo berbipêşdebirina çareserkirina pirsgrîka neteweyên Îranê di Îranê de zanî.

Pilînomê piştî lênihêrînekê li ser kar û barên rêxistinî li derveyî welat, pêşniyar kir ku girîngî û baleke bêtir bi karê rêxistinî li Ustiralya û Amerîkayê bihê dayîn.

Ji ber zêdebûna dezgehên ragihandin û çapemeniyê yên partiye û ji bo pêkanîna hevahengiyê di belavkirina nûçeyan de, civîna Komîteya Navendî rasipartin da Deftera Siyasî hetanî ji bo pêkanîna navendeke nûçeyan hewl û bizavê bide.

Civîna Komîteya Navendî derheq kirîz û pirsgrîkên hundirîn yên partiye de, rasipartin da Deftera Siyasî ku careke din cehd û hewlên xwe di çarçoveya azîn, usûl û pîrensîpên partiye û pêrewa hundirîn de bi armanca çareserkirina van pirsgrîkane bidomîne û rapora kar û xebata xwe di vê derbarê de bide civîna Komîteya Navendî ya tê.

Civîna Komîteya Navendî piştî 3 rojan karê berdewam, her wekî îşare pê hat kirin, seet 20'ê êvarîya roja çarşem, 13.09.2006'an dawî bi karên xwe anî.

Deftera Siyasî ya Partiya Demokrat
Kurdistanê Îranê
23.06.1385'ê Rojî
14.09.2006'ê Zayînî

Civîna Komîteya Navendî ya PDK Îranê,
keyfxweşbûna xwe ji pêkhatina hikûmeta hevgerî ya Kurd û yekgirtina her du îdareyên Hikûmeta Herêma Kurdistanê nîşan da û helwesta Serokatîya Herêma Kurdistanê derheq ne bikaranîna ala Îraqê ya serdemê Beesê li Kurdistanê bi gaveke neteweyî hesiband û piştgirî dayê

Peyama Deftera Siyasî Ya PDK Îranê Ji Bo Konferansa Salane Ya YCDK Îranê Li Swêdê

B eşdarên hêja yê **Konferansa salane ya YCDK Îranê li Swêdê tevî silavên germ!**

Em lidarxistina konferansa we ya salane pîroz dikin û hêvî dikin ku we konferanseke dewlemend û pir berhem hebe û biryarên wisan jê bikeve ku ji bo domandina çalakî û xebatên YCDK Îranê li Swêdê bi sûd û bibandor be.

Xûşk û birayên rêzadar!

Girîngîdan bi ciwanan wekî xwediyên pêşeroja civaka me, herdem ji bo PDK Îranê esleke girîng û berçav bûye û rola ciwanan di pêvajoya tevgera Kurd de bilind û bibandor hesabandiyê û hêvîdar e di pêşerojê de jî bi lîstina rola xwe di tev warezê de serkevtîr bibin.

Eva jî eşkere ye ku PDK Îranê çî di şiyar û îmkane hebûye ji bo piştgirî û

piştevanî ji Yekîtiya Ciwanên Demokrat ya Kurdistanê Îranê tu dirêxî û kêmxemiyek nekiriye û di vê derfetê de jî piştevaniya xwe dubare dike û li ser de tekezê dike.

Me çavniheya vê çendê heye ku hûn ciwanên Kurdistanê Îranê li her cihekê û welatekê dijîn, nûner û sembola taybetmendiyên bilind yê neteweya me bibin û di heman demê de ji bo xwe elimandin û pêgehandinê û bibandorbûn di pêvajoya tevgera me de bixebitin û ji wan derfet û delîvîyên ku li derveyî welat ji bo bêtir perwerdebûnê hene, mifaheke baş werbigirin.

Dubare em rêz û silavan ji bo we hemûyan re dişînin û ji rêya we jî ji bo gişt endam û alîgirên we.

Serkevtin ji bo Konferansa we.



Partiya Demokrat ya Kurdistanê Îranê

Deftera Siyasî

08.06.1385'ê Rojî

30.08.2006'ê Zayînî

Peyama Desteya Nûnerayetiya Giştî Ya YCDK Îranê Li Derveyî Welat, Ji Bo 7'emîn Konferansa Giştî Ya YCDK Îranê Li Swêdê

H evrêyên hêja! **Keç û kurên welatparêz! Beşdarên dilovan ên konferansê!**

Berî her tiştî bi hinceta pêkanîna 7'emîn konferansa giştî ya salane a YCDK Îranê li welatê Swêdê, konferansa "25'ê Gelawêj"ê em pîrozbahiyên xwe ên germ pêşkêşî we dikin û bi dil û can ji we re hêviya birêveçûna konferanseke pir naverok, dewlemend û pir destkevt dixwazin. Derheq hilbijartina vî navê pir naverok, em destxweşiyê dibêjin konferansa we û her bijîn.

Konferansa teşkilatî ya "25'ê Gelawêj"ê di demê de ji aliyê we xweşteviyên biemeg ve birêve diçe ku di çend hefteyan berî niha de ciwanên mafxwaz ên Kurd li Rojhilatê Kurdistanê di bin çavdêrî, zext û zora rejîma Komara Îslamî ya Îranê de weke herdem bi mêranî û mêrxasî tevî geş kirina agir li ser çiyayên bilind ên Kurdistanê dest avêtin belavkirina nivîs û dirûşmên cur bi cur yê neteweyî û bi vî awayî hevalbendîya xwe tevî tevgera neteweyî – demokratîk a Kurdistanê nû kirin û rêz ji 25'ê Gelawêjê girtin.

Bê guman hilbijartina navê "25'ê Gelawêj"ê ji konferansa giştî ya salane ya we re li welatê Swêdê, berî her tiştêkê nîşaneya hevxeberîya kûr û qahîm a we tevî xebata demokratîk û mafxwazane ya ciwanên şoreşger yê Kurdistanê ye û

bilind nixrandin û buha pêdayîna tekoşîna biwêrane ya wan e.

Ezizno!

Eşkere ye ku konferansa seranserî ya salane ji aliyê Komîteya YCDK Îranê li Swêdê, ji aliyê berçavgirtina yek ji bingehên sereke yê demokrasiyê û karê bi kom e ku li girîngtirîn pênaseyên YCDK Îranê ye. Ji aliyê din ve pêdeçûn û lihevdana xebat û tekoşîna di navbera du konferansan e û hevdem diyarîkirina xwegerkirine nû û îroyî ye ji bo pêşdebirina hê baştir û zêdetir ya rêxistina me û lihevanîna tevî guhertinan û bidestxistina derfeteke baştir e ji qazanc û berjewendiyên armancên giştî yê YCDK Îranê re.

Rêzdarên beşdar yê konferansa "25'ê Gelawêj"ê!

Desteya Nûnerayetiya Giştî ya YCDK Îranê li derveyî welat, xebat û tekoşîna berçav ya di navbera du konferansên YCDK Îranê li Swêdê de giranbûha û bilind dinirxîne û tevî gotina destxweşî û herbijîn bi hemû çalakiyên dilsojane yê tev ciwanên demokrat li Swêdê, spasên xwe pêşkêşî Komîteya Birêveberîya YCDK Îranê li Swêdê dike ku li midehê yek sala borî de bi bernamerêjîyeke hêja û îroyî tevî bidestveanîna çendîn destkevtan ji rêxistina me re li Swêdê, li pêşdebirin û pêşkevîna rêxistina han de ku bi hezaran ciwanên welatparêz ên Kurd di



nava refên xwe de kom kirine, roleke baş û cihê pesenê hebûye.

Careke din em pîrozbahîya xwe bi hinceta pêkanîna konferansê pêşkêşî we dikin û piştevaniya Desteya Nûnerayetiya Giştî ji we xweşteviyan re nû dikin.

Hêviya me xweşîya we ye.

Desteya Nûnerayetiya Giştî ya YCDK Îranê li derveyî welat

Berpîrsê Ewropayê

Rehîm Reşdî

02.09.2006


Xelkê Kurdistanê Li Ehmedînejad Pêşwazî Nekirin

Mehmûd
Ehmedînejad
, roja
pêncşem,

09.06.1385(31.08.20
06)'an, gera
seredana xwe bo
bajarên parêzgeha
Azerbaycana
Rojava(Urmîyê) dest
pê kir.

Mehabad:

Ehmedînejad,
demjimêr 12:00'ê
nîvroja roja
pêncşem, li demekê
de çû bajarê
Mehabadê ku di roja
sêşemiyê de hemû
cihên bajar ketibûne



bin çavdêriya berfireh a hêzên rejîmê de. Serbarê vê çendê ku rejîmê hewleke zaf ji bo pêkanîna pêşwaziyeke nimayîşî ya germ û gur li navhatî re dabû, lê nifûseke kêma ku ew jî piranî li karmend, mamostayên dinî û xwendigehan û kesên ku li binyatên weke "Mustezefan" û Komîteya "Îmrad" û "Bêhziştî" yên mîaş werdigirin, besîçî, rêdînsipî, serok eşîret û çaşên herêmê pêkhatibûn, çûne pêşwaziya Serok Komar, ku hejmara wan nedigihîşte 2500 kesan. Her wiha xelkê bajar ji bo derbirîna nerazîbûna xwe seba seredana han, dikanên xwe girênedan û heta hatin û çûn li ser şeqamên bajar li rojên pêştir zêdetir (qerebalixtir) bû.

Her weke ku dihate mêzekerin, Ehmedînejad, di dema axavtinên xwe de soz û qewlên dûr û dirêj yên weke terxankirina 72 milyar tûmanan ji bo bajarê Mehabadê, avakirina yarîgeha werzişî û holên werzişî, yên cuda ji kur û keçan re û... dane xelkê.

Hêjayî gotinê ye ku li dema axavtina Serok Komar de piraniya kesên ku çûbûn pêşwaziye, poşman bûn û vegeyane malên xwe.

Her wiha endam û alîgirên PDK Îranê ji bo derbirîna nerazîbûna xwe li hember sefera Ehmedînejad, şeva çarşem, 08.06.1385(30.08.2006)'an, li cihên li jêr de hatî yên bajarê Mehabadê çalakîyên piropagende birêvebirin û nivîsên partiyê belavkirin:

"Dola Kerwîşke"(rawestgeha 1 û 2), bajarokê "Karmendan", hola "Tekstare", Baxê Simayîlaxa", meydana Mamosta Hejar, derdora bazarê, Ferhengiyân, Wefayî, Çarrêya Mewlewî û nêzikê xwendigeha Şehrîkendî.

Pîranşar: Di bin çavdêriya tund û berfireh ya ewlekariyê de Ehmedînejad, roja pêncşem, tevî mela Hesenî, pêşnimêjê Urmîyê, seredana Pîranşarê kir. Di heman bajarî de jî piraniya kesên ku çûbûn pêşwaziye, li Serok Komar, kirêgirtiyên rejîmê û hin kes bûn ku bi neçarî anî bûn. Her weke bajarê Mehabadê ji bo derbirîna nerazîbûnê xelkê li dema axavtina Ehmedînejad de, ji cihê civînê derketin.

Bokan: Biryar bû ku roja şemî, 11.06.1385(02.09.2006)'an, Ehmedînejad, seredana Bokanê bike.

Hêjayî gotinê ye ku rejîmê ji bo birêvebirina rê û terzên ewlekariyê hêzeke zaf li Tehranê anî bû bajarên Mehabad û Bokanê û Helîkopterên rejîmê li ser esmanê bajarên han berdewam digeriyan. Her wiha ji bo pêşgirtin li her cure nerazîbûnekê û tirsandina xelkê, bi dehan kesan ji bajarên navhatî de hatine dest biserkirin û li wan çend rojan û berî çûna Ehmedînejad bo Bokanê, çaşên ku pêştir di nava bajar de li hev di civiyan, hatibûn çekkirin.

Gerek Kurt Di Dîrokê De ...

Amadekar: Nûredîn Sofizade

01.09. Roja Cîhanî ya Aştiyê.

02.09.1985 – Komkujiya xelkê gundê Qarnê ji aliyên hêzên Komara Îslamî ya Îranê. Di encama vê cinayeta dijî mirovî de 68 kes hatin kuştin.

03.09.1945 – Dawî pêhatina şerê duyem yê cîhanê di pişka Asiyayê de bi têkçûna Japonê.

05.09.1990 – Pêşmergeyên hêza Qendîlê li devera Pîranşerê ketne nava telika teqînên rejîmê û 8 Pêşmerge bi navên Mela Hesen, Dehşî, Celal Zendî, Muhsin Nezirî, Hesen Xalidnejad, Mihemed Dinaw, Şêxe Dişmîrî, Osman Ehmedî û Ebabekir Mihemedî şehîd bûn.

06.09.1988 – Qirkirina bikom ya girtiyên siyasî li Îranê de ku nêzikê mehek û nîvan dom kir, dest pê kir. Di vê midehê de bi hezaran girtiyên siyasî hatne îdamkirin. Di nava wan goriyên cinayeta rejîma Komara Îslamî ya Îranê de hindêk ciwanên Kurd jî hebûn.

08.09.1984 – Yılmaz Guney, filmsazê navdar yê Kurd wexera dawî kir.

09.09.1996 – PDK Îranê di kongireya 20'emîn ya Rêxistina Enternasyonala Sosyalîst de weke yekemîn partiya Îranî û Kurdistanî weke endam hate wergirtin.

10.09.1939 – Destpêkirina şerê duyem yê cîhanê bi êrişa Almaniyayê bo ser Polonyayê.

10.09.1985 – Koça dawî ya helbestvanê Kurd, Şamî Kirmaşanî.

11.09.1961 – Destpêkirina şoreşa Eylûlê di Kurdistanê Îraqê de.

11.09.2001 – Çend balafirên Amerîkayî ji aliyê terorîstan ve hatne revandin û ji bo encamdana kiryarên terorîstî di avahiya Rêxistina Ticaretê ya Cîhanî û Pêntagonê li Niyoyorkê mifah jê hate wergirtin ku di encam de bi hezaran kes bûne gorî.

12.09.1980 – Kodetaya Leşkerî li Turkiyê û cîgirkirina hikûmeta leşkerî di Kurdistanê Turkiyê de.

13.09.2004 – Yekemîn Kongireya Yekîtiya Jinên Demokrat ya Kurdistanê Îranê li jêr navê "çelengkirina vê Yekîtiyê bona ber bi pêşve birina xebata wekhev ya jinên Kurdistanê û tevgera neteweyî û demokratîk ya gelê Kurd" hate lidarxistin.

14.09.1986 – Mixabin di şerekê de tevî Komelê de 4 Pêşmergeyên hêza Beyan bi navên Ehmed Xizrî, Mihemed Pûrhimet, Kemal Ostad Îbrahîm û Cefer Nûmuselman şehîd bûn.

15.09.1975 – Ayetula Kurdistanî, zana û mamostayê Kurd, koça dawî kir.

Konferansa Navneteweyî Ya Lêkolînên Kurdî

Amadekar: Azad Kurdî

Di rojên 6 heya 9'ê Îlonê de, hemberî 18 heya 18'ê Xermanana 1385'ê Rojî, **Konferansa Navneteweyî**

ya **Lêkolînên Kurdî** li bajarê Hewlêrê, ji aliyê Enistîtuya Kurdî ya Parîsê û bi hevbeşiya Zanîngeha Selahedînê û bi piştgiriya Hikûmeta Herêma Kurdistanê û Wezareta Karên Derve ya Fransayê di yek ji holên Zanîngeha Selahedîn hate lidarxistin.

Bernameya karê Konferansê bi vî awayê jêr dest pê kir:

Roja çarşem, seet 15:00 heya 15:20 deqdeyên paşnîvro vekirina Konferansê û destpêka gotar û lêkolînan bû ku ji aliyê kesayetiyan jêr hate pêşkêşkirin:

1. Dr. Kendal Nezan, Serokê Enistîtuya Kurdî ya Parîsê.

2. Dr. Mihemed Sidîq Xoşnaw, Serokê Zanîngeha Selahedîn

3. Dr. Mihemed Îhsan, Wezîrê Karên Derveyî Hikûmeta Herêma Kurdistanê.

Demjimêr 15:20 heya 19:00'ê êvariya heman rojê, panela yekem a Konferansê li ser mijara **lêkolînên Kurdî li Fransayê, ziman û wêje**, dest pê kir. Serokê civîna han Dr. "Jayce Blau", profesor ji Zanîngeha "Emeritus"ê bû.

Di vê panela roja yekem ya xebatên Konferansa Navneteweyî ya Lêkolînên Kurdî de, kesayetiyan jêr gotar û lêkolînên xwe pêşkêş kirin:

Dr. "Pierre Lecoq", profesor ji "The Ecole partique des Havtes Etudes ya Parîsê

Dr. Salih Akîn, Zimanzan û hevkarê Profesora ji Zanîngeha "Rouen" a Fransayê. Birêz Îbrahîm Seydo Aydoxan, zimanzan û xwendekarê Dukturayê.

Dr. "Gerard Gautier", Pispor di warên mirovnasî û Kompûterê

Dr. "Clemence Scalbert"

Xatûna "Sandrine Traida", zimanzan û xwendekarê Dukturayê Birêz "Yoanis Kanakis", pispor di warê muzîka nejadî

Roja pêncşem, 7'ê Îlonê, seet 10'ê sibê heta 13'ê paşnîvro, yekemîn panela roja duyem ya Konferansê li ser mijara

lêkolînên Kurdî li Fransayê –

Zanistên Civakî dest pê kir. Serokê civînê Dr. Hemîd Bozarsalan, pîrofozê zanistên civakî li "The Ecole des Houtes" ya Parîsê bû.

Pişikdarên wê panelê ji wan birêzane pêk hatibû ku her yek ji wan lêkolînên xwe pêşkêş kirin:

Birêz "Boris James", dîroknas û

xwendekarê Dukturayê

Dr. Efrem Îsa Yûsif, filozof û nivîskar

Dr. "Flonerece Hello", dîroknas

Xatûna "Julie Fernandes de Barena", dîroknas

Birêz "Chris Ketchra", nivîskar û

rojnamevanê navdar yê Fransî.



Wêne, Paneleke Konfiransê. Ji çepê: Xalid Xeyatî, Reşo Zilan, Berzo Elyasî, Dr. Xelîl Salih, Mihemed Tayfon û Dr. Mîno Elîniya

Seet 14:00 heya 18:00'ê paşnîvro, Paneleke din li ser **lêkolînên Kurdî li Almaniya** dest pê kir û serokê civînê jî Dr. "Philip Kreyenbroek", profesor ji Zanîngeha "Georg – August" li "Gottingen"ê bû.

Kesayetiyan ku di vê para Konferansê de lêkolînên xwe pêşkêş kirin, pêkhatibûn ji:

Dr. Xalid Cindî Reşo, Profesora alîkar ji Zanîngeha "George August", li "Gottingen"ê.

Dr. "Birgit Amman", ji Rêveberên Navenda Ewropayê ji bo lêkolînên Kurdî li Berlînê.

Dr. "Eva Savelsberg", ji Rêveberên Navenda Ewropayê ji bo lêkolînên Kurdî li Berlînê.

Xanima Perwîn Mihemed Weyî, Xwendekarê Dukturayê ji Zanîngehê "George August" li "Gottingen"ê.

Xatûna "Eszter Spat", xwendekarê Dukturayê ji Zanîngeha Ewropaya Navîn, Bodapest.

Dr. Xena Omer Xalî, Filozof û pispor di lêkolînên olî de.

Roja îne, 8' Îlona 2006'an, panela yekem ya roja sêyem ya karên Konferansê seet 10'ê sibê heya 12:00'ê nîvro li ser **lêkolînên Kurdî li Welatê Swêdê** dest bi xebatên xwe kir.

Serokatiya vê civînê ji aliyê Dr. Xelîl Salih, zanayê siyasî ji Enistîtuya Kurdî ya Parîsê hate birêvebirin.

Lêkolînanên wê parê ku berhemên xwe pêşkêş kirin, pêk hatibûn ji:

Birêz Reşo Zilan, Serokê Beşa Ziman û Wêjeya Kurdî ji Enistîtuya Kurdî ya Parîsê.

Rêzdar Mihemed Tayfan, zimanzan û dîroknas.

Dr. Mîno Elîniya, Civaknas li welatê Swêdê.

Birêz Berzo Elyasî, xwendekarê Dukturayê ji para zanistên civakî li Zanîngeha "Mid – Sweden".

Birêz Xalid Xeyatî, lêkolînan ji Enistîtuya lêkolînên civakî ji Zanîngeha Lînköping ya Swêdê.

Paşnîvroya wê rojê seet 14:00 heya 16:30 deqeyan, paneleke din a Konferansa Navneteweyî ya Lêkolînên Kurdî li ser mijara **lêkolînên Kurdî yên li Amerîkayê** dest pê kir. Serokê civîna han "Jnathan Randal", nivîskar û rojnamevanê navdar yê Amerîkayê bû.

Axiverên wê panelê pêk hatibûn ji:

Dr. "Keith Hitchens", profesor ji Zanîngeha "Illinois" ya "Urbana Champaign".

Dr. "Michael Gunter", profesor ji Zanîngeha teknolojiyê ya "Tennessee"yê

Dr. "Janet Klein", profesorê alîkar ji zankoya "Akran" ya "Ohio"

Dr. "Nicole F.Watts", profesor ji Zanîngeha Welayeta Sanfransîskoyê

Seet 17 hey jêr di vê beşa karê konferansê de lêkolînên xwe ên taybet li ser mijara panelê pêşkêş kirin:

Dr. "Joost Jongerden", profesorê alîkar ji zanistên civakî yê Komeleya Zanîngeha

"Wagenimgen" û Enistîtuya "Athena – Vrije" ya Amsterdama Holandayê

Dr. Haşim Ehmedzade, wanebêj ji Zanîngeha "Exter"ê li Bîrîtanîyayê

Dr. "Mirella Galletti", profesor ji Zanîngeha "Naples"ê

Dr. "Jordi Tejel", dîrokna û civaknas ji Swîsê

Rêzdar Ebdula Keskîn, Serokê Weşanxaneyê **Avesta**'yê li Stenbolê

Birêz Karlîn Çaçan, rojnamevan ji Ermenîstanê.

Roja çemî, 9'ê Îlonê 2006'an, wate roja dawî ya xebatên Konferansa navneteweyî ya lêkolînên Kurdî, panela yekem di bin navê **rewşa lêkolînên Kurdî li Kurdistanê** ku di 3 mijar û 6 rûniştinên cuda de bi vî awayê jêr birêve çû:

çû:

Mijara yekem, civaknasî

Rûniştina yekem ji seet 9'ê heya 10'ê sibê kişand û serokê civînê Dr. Mihemed Sidîq Xoşnaw bû.

Kesayetiyan ku di vê panelê de lêkolînên xwe pêşkêş kirin, ev bûn:

Dr. Xelîl Îsmail Mihemed bi mijara **Pirsgirêka welatiyan li Herêma Kurdistanê Îraqê**
Dr. Nûrî Yasîn Hewramî



Wêne: Dimenek ji beşdarên Konferansa Navneteweyî ya lêkolînên Kurdî, roja sêyan, 08.09.2006'an

Dr. Qadir Mihemed Pişderî bi mijara **Bingehên mirovî yên jiyana rêxistinî û partîtiyê li Kurdistanê**

Dr. Ehmed Mîrza bi mijara **pêwendiyên berdewam yên dîrokî û şaristaniya Kurdistanê di çaxên ber yên kevin heya sedsala bîstan**

Civîna duyem, demjimêr 10 heya 12'ê paşnîvro dest bi karên xwe kir. Serokê rûniştinê Dr. Reşad Mîran bû. Van hêjayên jêr lêkolînên xwe pêşkêş kirin:

Dr. Tahir Heso Zêbarî bi mijara **pêkhatiya civaka Kurdî**

Dr. Ebdulhemîd Seîd bi mijara **pirsgirêkên civakî yên civaka Kurdistanê**

Dr. Ehmed Ebdulezîz

Mamosta Naznaz Mihemed Qadir bi mijara **regezên bi Erebkirina Kultura Kurdî**

Birêz Arif Zêrevan bi mijara **Alfabeya rastnivîsina Kurdî**. Mamosta Arif di lêkolîna xwe de li ser hewcehiya bikaranîna Alfabeya Latînî sekinî û li ser aliyên erênî û nerênî yên her du alfabayên axivî û pêşniyar kir Kurd zimanê xwe bi alfabe Latînî bi kar bînin.

Civîna sêyemîn, seet 12 heya 13:30'ê paşnîvro yê dom kir. Serokê rûniştinê Dr. Muhsin Mihemed Husên bû. Di vê panelê

de van Kesayetiyan jêr lêkolînên xwe rabeft beşdarên konferansê kirin:

Dr. Mihemed Ebdula Omer

Dr. Hekîm Ehmed

Dr. Mihemed Ebdula Kakesor

Xanima Sonya Sidîq bi lêkolîna **civaka sivil û olî-bajarê Hewlêrê** ku tevî birêz Sero Qadir bi hev re encam dabûn, xatûna Sonyayê di Konferansê de xwend.

Mijara duyem, Ziman û Wêje Civîna yekem ya vê mijarê ji demjimêr 15 heya 16'ê êvar dom kir. Mamostayêke Zanîngeha Selahedînê li cih Dr. Kemal Fuad serokatîya rêvebirina panelê girte

Ji seet 16:30 heya 18'ê êvarîya wê rojê, civîna duyem ya Konferansa Navneteweyî ya Lêkolînên Kurdî dest pê kir. Serokê civîna han Dr. Şukriye Resûl Îbrahîm bû. Di vê panelê de kesayetiyan jêr lêkolînên xwe pêşkêş kirin:

Dr. Dilşad Elî bi lêkolîna: **Girîngiya bikaranîna Alfabeya hevbeş, di warê Kurdolojîyê de**

Dr. Refîq Şivan bi lêkolîna: **Kurdnasî û bandora wê di nasandina Kurdan de**

Dr. Hogir Mehmûd Ferec bi lêkolîna: **Di perawêza zimanê wêjeyî û zimanê**

hevgerî de

Dr. Mistefa Zengene bi lêkolîna: **Şirovekirina wateya civakî di hinek warên nerênî de**

Panela dawî ya roja xilasbûna xebatên Konferansê li ser **lêkolînên Kurdî çi ne?**

Dest pê kir û serokê civînê Dr. Selah Selahedîn, li cihê Dr. Şefîq Qezaz bû. Di vê panelê de kesayetiyan jêr lêkolînên xwe xwendin:

Dr. Mihemed Dilêr Emîn

Dr. Eta Qeredaxî
Dr. Hîmdad Husên
Dr. Sidîq Salih

Di dawîya hemû panelan de dem û derfet ji beşdarên konferansê re dihat dayîn û di tev

stû. Axivtinerên vê civînê evên jêr bûn:

Dr. Îbrahîm Ehmed Husên Şivanî, bi lêkolîna: **nekîfşî di helbestên Kurdî yê Mehwi de**

Dr. Fireydûn Berzencî, bi lêkolîna: **giringîdan bi zaravên zimanê Kurdî**

Dr. Ebdula Husên, bi lêkolîna: **Ferq û cudahiya zimanê civakî yê gund û bajaran**

Dr. Ebdulwahîd Dizeyî bi lêkolîna:

Rêzgirtin di kultura Kurdî de

civînan de pişikdaran bi awayekê çeleng û berfireh dîtin, têdîtin û pêşniyarên xwe derheq lêkolînan dianîn ziman û bas, gengeşe û gotûbêj di navber her du aliyên bi awayekî zanistî û akademîk birêve diçû.

Konferansa Navneteweyî ya Lêkolînên Kurdî, yek ji konferansên herî giring di asta cihanê de bûye ku li ser warên cur bi cur yên lêkolînên zanistî li ser Kurdan hate lidarxistin û her wiha ser axa azad ya Kurdistanê Îraqê hate pêkanîn.

Bibîranîna Dr. Sadiq Şerefkendî Hayderê Rêya Tekoşîna Me Ye!

Ji bo bibîranîna 14'ehemîn salvegera şehîdên Mîkonosê, YCDK Îranê li welatê Swêdê, rê û resmeke taybet bi beşdariya tev azadîxwaz û welatparêzan birêve dibe.

Bervar:

Roja yekşem, 26.06.1385(17.09.2006)'an, Demjimêr: 15:00'ê piştînîvro.

Cih: Vestros, hola **"A.B.F"**.

Di vê rê û resmê de:

1- Birêz Dr. Husên Xelîqî.

2- Birêz Qasim Qaremanî.

3- Birêz Rehîm Reşîdî.

Li ser aliyên cur bi cur ên bûyera Mîkonosê û kesayetiya şehîd Dr. Sadiq



Şerefkendî dê bas û şiroveyan pêşkêş bikin.

YCDK Îranê - Swêd

Komîteya Vestrosê

Ji bo agehiyên pêtir:

0046 736 10 14 18

Carnameya Pêşgîrî Ji Tund û Tûjî Dijî Jinan

Beşa 1

Wergêr: Selîm Zencîrî

Biryarnameya 48/104 a civata giştî ya Rêxistina Netewên Yekbûyî 25'ê Novamberê, wekî Roja Cîhanî ya rakirina tund û tûjî dijî jinan hatiye binav kirin. Ev roje, 17'ê Septembara 1999'an ji aliyê civata Giştî ya Neteweyên Yekbûyî ve, di civîna 83(gera 54)'an de bi roja cîhanî ya tund û tûjî dijî jinan hatiye binavkirin. Carnameya pêşgîrî ji tund û tûjî dijî jinan, pejirandîya civata Giştî a Rêxistina Neteweyên Yekbûyî, merem ji şideta dijî jinan, erk û rola dewlet û rêxistinên navneteweyî di vê derheqê de zelal dike.

Civata Giştî

Bi haydar bûn ji vê hewcehiya bilez ku maf û



bingehên têkildar bi wekhevî, tenahî, azadî û meznahiya hemû mirovan, divêt bi awayekî cîhanî li ser jinan bihên berçavgirtin.

Bi baldan bi vê ku ev maf û bingehane, di girove û daxuyaniyên navneteweyî de, bo mînak di **carnameya cîhanî a mafê mirovan**(1), **peymannameya navneteweyî a mafên medenî û siyasî** (2), **peymannameya navneteweyî a mafên aborî, civakî û kulturî** (2), **ji navbirina hemû awayên ferq û cudahîdananê dijî jinan** (3), **peymannameya dijî îşkence û riftar, yan cezayên tund û tûj, nemirovî û teji ji sivikati** (4), de rêz lê hatiye girtin.

Bi haydarbûn ji wê ku birêvebirina herçiqas kariger a peyman nehelana hemû awayên cudahîdananan dijî jinan, alîkariyê bi nehelana tund û tûjiya beranber dijî jinan dike û peyman nehelana şidete bi dijî jinan bi wî awayî ku li vê peymannameyê de dikeve ber bas, vê pêvajoyê bihêz û tewaw dike.

Nigeranî ji vê çendê ku tund û tûjî dijî jinan astenga gihîştin bi wekhevî, pêşkevî û aştiyê ye, her weke di stratejiyên pêşdîtin yê Konfiransa Nayrobayê ji bo pêşkevîna jinan hatiye rohn kirin û di nava wan de hin terh û

gelale ji bo berxwedanî kirin li hemberî tund û tûjî dijî jinan û bi merema birêveçûna kemilî a peyman rakirina hemû awayên cudahî dananê dijî jinan hatiye pêşniyar kirin.

Rawestan li ser vê ku şidet dijî jinan, esas û bingehê e ji bo binpêkirina mafê mirov û azadiyên bingehîn yê jinan û destgihîştina jinan bi van maf û azadiyane heya qasekê yan jî bi tevahî red dike.

Nigeranî li sernekevîna li piştvanî û jêhelbirina van maf û azadiyane di dirêjheyam de li dor tund û tûjî dijî jinan.

Bi haydarbûn ji wê ku tund û tûjî dijî jinan nîşandereke ji bo nîşandana newekheviya dîrokî a pêwendiyên desthilatê di navbera jin û mêran de ku yê bûye sedema bindestkirin û cudahîdanana jinan ji aliyê mêran ve û pêşgîrî ji berbipêşde çûna bi tewahî a jinan lê derdikeve.

Herweha tund û tûjî dijî jinan yek ji van mîkanîzmên civakî yê girîng e ku jinan neçar dike ku bi pile, paye û pêgeheke nizimtir bi nîsbet mêran razî bin.

Nigeranî ji wê ku hin ji girûpên jinan bo mînak jinên ser bi girûpên kêmanî, jinên xwecih, jinên penaber, jinên koçber, jinên ku ji gund yan deverên dûrdest de dijî, jinên bê serperîşt, jinên bendkirî yan destbiser, keçên nûciwan, jinên nivîşkan û siqet, jinên bi temen û jinên deverên şerdîti bi taybet li hemberî tund û tûjiyê de jar û lawaz in.

Bibîrxistina encama paragirafa 23'a biryarnameya 24'ê Maya 1990'an a Komîsyona civakî (hejmar 1990/15) û hestkirin bi vê ku tund û tûjî dijî jinan di malbat û civakê de xurt bûye û li sînorê dahat, tex û qat û kulturê de dibihore, divêt gavên bilez û bibandor bo jinavbirina vê berçaviyê bihên avêtin.

Herweha bibîrxistina biryarnameya 1991/18'a Komîsyona Aborî û Civakî a 30'ê Maya 1991'an ku Komîsyon têde pêşniyara amadekirina belgenamewên navneteweyî aniyê berbas ku bi awayekî aşkera balê dide doza tund û tûjiya bi dijî jinan.

Weke pêşwazîkirin ji rolekê ku tevgerên jinan di rakîşandina roj bi roj pêtir a bal û serincan bo aliyê kakilê, micidbûn û aliyên din yê doza tund û tûjiya bi dijî jinan heye.

Bi destpêkirina vê tirs û xeterê ku delîve û derfeta jinan ji bo bidestveanîna wekheviya maf û wekhevî di warê civakî, siyasî û aboriya civakê de bi sedemên cur bi cur û yek ji wan tund û tûjiya xurt û berdewam, berteng û sinordar in.

Bi baldan bi van xalên ku li serê de îşare bi van hatekirin, em bawer in ku pênasayê giştî û rohn bo tund û tûjî dijî jinan, carnameyê rohn li ser van mafên ku divêt bihên berçavgirtin û nehelana tund û tûjî dijî jinan li hemû terz û awayan de garantî dike, herweha soz û peymanek ji aliyê dewletan ve bi merema rêzgirtin ji berpirsariyên wan û soz û peymanek ji jî aliyê hemû civaka navneteweyî ve ji bo nehelana tund û tûjiyê dijî jinan hewce ye. Lewra bi fermî carnameya rakirina tund û tûjî dijî jinan di jêr de dixin ber çavên we û em li ser vê sor û pêdagir in ku ji bo nasandin û rêzgirtina wê ji aliyê hemû kesê ve, divêt hemû hewl û tekoşînek hewce bihê dayîn:

11 Kes Li Benda Kevirbara nê Ne



9 jin û 2 mêr di girtîxaneyên Îranê de li benda bi rêveçûna cazayê kevirbaranê ne.

1. **Îran A** ji tayîfeyêke Bextiyariyan e û bi guneha axavtin tevî kurê cînarê xwe, bi kevirbaranê hatiye mehkûm kirin.

2. **Keyriye** ya 38 salî, xelkê bajarê Bêhbehane bi sûça zina û kuştina mêrê xwe bi kevirbaranê hatiye mehkûmkirin.

3. **Suxra Molayî** bi guneha zina û pişikdarîkirin di kuştina mêrê xwe de bi kevirbaranê hatiye mehkûmkirin.

4. **Fatime** xelkê Tehranê ye û bi guneha zina û pişikdarîkirin di kuştinê de hatiye mehkûmkirin.

5. **Perisa A** jineke 28 salî ye û bi guneha laşfirotinê ku li ser neçarkirina mêrê wê bûye.

6. **Kobra M** jineke 44 salî û bajarê Sinê ye, gunehbar e bi zina û fahişetî û pişikdarî di kuştina mêrê xwe de.

7. **Şemame Qurbanî** xelkê bajarê Nexedê ye û bi guneha zina û pişikdarî di qetlê de.

8. **Eşref**, jineke xelkê bajarê Meşhedê ye, bi guneha zina û pişikdarîkirin di kuştina mêrê xwe de.

9. **Haciye Îsmailvend** bi guneha zina û pişikdarî di kuştina mêrê xwe de.

10. Mêrek bi navê **Necef A** ku guneha wî ne diyar e.

11. Mêrek din bi navê **Ebdula F** ku guneha wî jî ne diyar e.

Jêder: "akhbar -rooz"

770 Milyon Nexwendewarên Temen Jor Di Cîhanê De Hene

Kofî Enan, Sekreterê Giştî yê Rêxistina Neteweyên Yekbûyî di peyamekê de bi hinceta Roja Navneteweyî ya Xwendinê, serbarê eyankirina vê rastiyê ku hêj 770 milyon kesên temen jor di cîhanê de nexwendewer in, daxwaza cehd û tekoşîneke zêdetir di astê neteweyî û navneteweyî de ji bo çêtîrbûna asta xwandewariyê kir.

Çavkani:

"www.akhbar-rooz.com"



Bê Dengî Li Hember Mifahwergirtina Nebaş A Zayendî Li Jinên Karker Li Îranê

Şirketên şexsî ku hemû heyîna wan tenê ji hêlek telefonê, çend kursî û kompyoterekê pêk tê û roj li pey rojê di Tehrana paytext de zêde dibin, her di yekemîn cehd û hewla xwe de bi awayekê bêşermane li rojnameyan de wiha gaziya jinên ku di pey kar digerin, dike: "**Keçek nezewicî û dev biken**" û di pêvajoya bi nav got û bêjê de jî, di rastî de wan li gor xwestekên xwe



diceribînin, lewre divêt li gor dilê wan bin. Di vê derheqê de jî xwedê neke pêyê keçên ciwan bikeve deftera berpirsê wan şirketan, ji ber ku renge hin tiştan bibînin ku nabe bihên dîtin.

Xatûna Dr. Mehdîs Kamkar, tevî erêkirina rastiya ber bi zêdebûna mifahwergirtina nebaş a zayendî, li jin û nemaze keçên ciwan re radispêre ku li hember vê çendê de bêdeng nemînin û berevaniyê ji şeref û kesayetiya xwe bikin. Ev xatûna li ser vê baweriyê ye ku keçên han di rastî de nizanin hawar û dengê xwe ji kê re bibin.

Herweha pêşniyar dike jin yan keçên karker divêt her ji roja yekem de merc û bernamêyên karê xwe yek bi yek ji xwedî karan re rohn bikin.

Çavkani: "Radio Farda"

Kuştina welatiyekê li Geliyê Qasimloya Urmîyê

Roja 18.06.1385'ê Rojî (09.09.2006)'an, kesek bi navê Mehdî Cîhan Heftsar, kurê Serbaz, yê gundê Heftsar ya herêma Biradost ya bajarê Urmîyê, temen 23 salî li Geliyê Qasimlo û li rex gundê Sêkaniya bi destê jinekê û çend kesên din yê nenas hate kuştin. Piştî peydabûna meytê navhatî, roja 20.06.1385 (11.09.2006)'an bi axê hate sipartin. Jina ku Mehdî kuştîye niha li Îdareya "Agahî" ya Urmîyê de hatiye binçavkirin. Li gorî agahiyên, wê jinê heya niha bi çend qetlan îtiraf kiriye.

Tê gotin ku kuştina Mehdî Cîhan Heftsar li ser madeyên bêhişker be.

Dîsan Xweşewitandin

Keçeke temen 17 salî bi navê **Ç** keça **M** xelkê Merîwanê xwe şewitand û bi sedema xurtiya şewitîne jiyana xwe ji dest da. Sedema vê xweşewitandin ê pirsgirêkên malbatî hatiye diyarkirin.

Herweha keçeke din temen 20 salî



bi navê **S**, **B** xelkê Merîwanê ku bavê wê tune ye û dayika wê jî dîsan zewicî ye û ew jî li bal mamê xwe dijiya, bi sedema zilm û zora mamê xwe, agir berda xwe û jiyana xwe ji dest da.

Jêder:

"www.akhbar-rooz.com"

Xendiqandina Zarokekê Bi Destê Dayîka Xwe

Li bajara Hersînê ya Kirmaşanê, jinekê 28 salî ku bi sedema têkiliya Zayendî (cotbûnê) ya bêy zewacê tevî kur mamê xwe pêgiran dibe, zarokê xwe piştî bûnê ji bo şermezarnabûna xwe, dixendiqîne û davêje dûr.

Jêder: "ÎSNA"



Dîsan Keçek Hat Serbirîn

Keçeke ciwan bi navê **Emîre Dadguster** di jêr sîbera namûsê de li bajarê Merîwanê bi destê bav û bira û kur mamê xwe bi terzake hov û dirindane bi tevî hate serbirîn.

Jêder:

"zane kurd.net"

Neviyê Dr. Qasimloyê Nemir Zewicî

Dawetek Bi Çek Û Cilên Pîroz Yên Pêşmergatiyê Li Bajarê Pragê

Neviyê lehengê
Kurd Dr.
Ebdurehman
Qasimloyê nemir,

Robert Norlîn di êvara 21.08.2006'an de li Piraga paytext di baxçê mala birêz Dr. Yekta Geylanî (Dr. Yekta Uzunoglu) de bi keçikeke Çekî bi navê Barbora ku gelek bedev û xweşik e re zewicî. Beriya ku dawet dest pê bike, bûk û zava bi kincên Kurdan yê gelêrî, herwiha bi şal û şapikên Pêşmergêyan qehreman rawestiyên pêşiyên kamerayan.

Di pê kişandina wêneyan re, maliya birêz

Fuad Sîpan
Almanya, 31.08.2006



Ji çepê, Fuad Sîpan, keçika Dr. Qasimlo û diya zava: Mîna Xan, zava: Robert dest bi çek, bûk: Barbora Xan, maliya lehengê Kurd Dr. Qasimlo: Nesrîn Xan û birêz Dr. Yekta

Dr. Yekta, Monîka Xan derket ser xanî û dest bi teqîna gulan kir. Mirov digot qey ev der ne Prag e, Kurdistan e. Paşê bi xwarin û vexwarinê dest bi şahiya dawetê hate kirin. Îhsan û Metîn bi stran û awazên Kurdî beşdarvan heta nivê şevê bi kêfxweşî çû kirin. Beşdarvanên dawetê jî li Piraga paytekt li serê çiya li mala birêz Dr. Yekta di nava daristaneke gur de bi listikên Kurdî rengkî Kurdistanî dane dawetê. Dawetê bi patpatokên hewayî berdewan kir û di dawî de di atmosfereke pir xweş de dest bi mijûlî

û sohbetên şêrîn hate kirin.

Bê guman dil pir dixwest ku di rojeke wiha xweş de Dr. Ebdurehman Qasimloyê nemir jî di nav me de ba, tama kalikîtiyê derxista û bi daweta neviyê xwe şa biba. Lê mixabin dijminê tirsonek, newêrok û xayîn e ku ew roja xweş layiqî lehengê Kurd û Kurdistanê nedît. Lê çiqas jî şehîdê Kurd Qasimlo di nav me de nebû jî, dilê me bi wî re bû û me ew bi dilgermî bi bir anî. Mala camêr birêz Dr. Yekta ava be ku

ewî bi layiqî berpirsiyariya xwe li hemberî lehengê Kurd Qasimlo bi cih anî. Ez ji dil û can spasiya wî, camêrî û mazûwaniya wî dikim ku wî dilsoziya xwe li hemberî Qasimloyê nemir da xuyakirin. Mirov di nûra rûyê birêz Dr. Yekta de didît ku ji kêfa wî re qet gotin tunebû. Çimkî mînanî ku ew di şahiya daweta kurê xwe de bû.

Li ser pîrsa min ji neviyê Qasimlo û zavayê teze Robert Norlîn wî wiha bersiva min da û got ku ew bi kalikê xwe Dr. Ebdurehman Qasimlo pir serbilind e û kalikê wî heta roja qetilkirinê jî bo ku çareseriyê aştiyane li Kurdistanê çê bibe, xebitî.

Hêjayî gotinê ye ku dawet bi taybetî ji kesên malbatî û pir hindik dostên malbata bûk û zavê pêk hatibû. Ji beşdarvanan yê navdar ji Komara Çekê nivîskarê jînenîgariyê (Biogirafiyê) yê herî navdar, Xanima Jana Klusakova û kurê xwe "Vít Klusak" beşdar bûn. Xanima "Jana Klusakova" li ser jînenîgariya Serok Komarê Çekê Prof. Vaslav Klaus jî pirtûk nivîsiye. Wê herwiha li ser jînenîgariya birêz Dr. Yekta jî pirtûkek amade kiriye û niha di çapxanê de ye. Kurê wê jî Fîlimçêkerê Komara Çekê yê herî navdar e. Ji Almanya jî pismamê Dr. Ebdurehman Qasimlo birêz Ebdulah Îzêtpûr, siyasetvanê Kurd birêz Siracedî Ogûz, hozanê Kurd Îhsan û mûzîkvan Metîn di dawetê de beşdar bûn.

Lênihêrîneke Dîrokî Li Ser Edebyata Diyalekta Başûrî A Zimanê Kurdî (Goran)

Dr. Dîlan Rewşenî
Werger: Şerîf Felah

Edebyata Kurdî îro berhem û derencama edebiyateke kevn û resen û li mêjve a ser zar û zimana ye ku

çend sedsal e di nava Kurdan de carr e û geşe kiriye. Ev edebiyat(tore) ya kevnar bê şik û guman reh û rîşeya wê di nava kurahî û şeweya jiyana xelkê Kurd û Kurdistanê de ye ku divegere bo ser çend sedsala berî serhildana Îslamê. Beşeke berfireh û berçav ji berhemên toreyî ên Kurdistanê ku nişanderê çawaniya jiyana xelkê û sazana û xwe rêxistinî tevî vê jîngehê de bûye, bi kome sebebkarên cuda û pitir li pêvajoya dîroka pir ji livlîvîn û pir aloz de ji nav çûye. Herçend ku zaravayê Goran jî çiqên başûrî ê zimanê Kurdî li herêmên Goran û Hewraman, ji radeya berdevk û navdarên wê gelekî kêm bûye, lê ev zarave xwediyê hinek ji berhemên herî rîşeyî û resen ên zimanê Kurdî bi giştî ye. Diyalekta Goran ji sedsala 7'ê Zayînî pêde zimanê fermî ê derbarên mîrnişînên Kurd

bûye. Desthilata mîrnişînê Erdelan ku ji nîva sedsala dazdan heya hejdan de hem hakimê herêmeke pan û berfireh ji sererdê Kurdistanê bûye û zaravayê Goran weke zimanê îdarî yê desthilatdariya xwe bi kar anîne. Di rastî de renga bê eger jî nebe heke em bibêjin di toreya Kurdî de peyva Goranî bi wateya awaz û helbestxwandina toreyî jî bi kar tê. Bi vê şirovekirina kurt ciyê heyrîmanê nine heke em bibêjin ku paşmayiya berhema herî kevn a toreyî a kurdî ye di nava zaraveyên başûrî zimanê Kurdî de. Gotina ola Yarsan bi zaraveya Hewramî, û sirûd û vehûnandiyên Baba Tahirê Hewramî bi zaraveya Lekî li sedsala dehê a Zayînî, ji mînakên kevn ên toreyî yê nîvîsayî ên Kurdistanê ne bi zimanê Kurdî.

Hinek ji destnivîsên Baba Tahir heya îro jî li mozexaneya bajarê "Qunyê" li welatê Turkiyê de ne. Helbestên du beytî ên Baba Tahir heya îro jî bûne benûştê devê pîr û kalên ola Yarsan. Her wek Baba Tahir bi xwe jî ji mezinên vê olê tê hesibandin.

Ji navdarên din ên edebiyata Kurdî

Başûra Rohhilata Kurdistanê em dikarin ji helbestvanên weke: Perîşan Dînewerî li sedsala çarê Zayînî, **Mistefa Bêsaranî** ji sedsala şanzdehan a Zayînî, **Mihemed Kenuleyî** ji sedsala hevdehê Zayînî, **Xanay Qubadî** ji nîva duyê a sedsala hevdehemîn, **Serheng Elmasxan û Mirza Şerîf Dînewerî** ji destpêkên sedsala hejdehan a Zayînî, **Şeyda Hewramî** di dawîya sedsala hevdê Zayînî û **Mihemed Welî Kirmaşanî** li destpêkên sedsala bîstana a Zayînî nav bibin.

Divê em bibêjin ku bi sedema nebûna sistemeke perwerde û hînkirina zimanê Kurdî, gelek ji nivîskarên edebiyata kevn a Kurdî ji bo Kurdzimanan biyanî û ne nasyar e. Ji aliyekê ve ciyê keyfxweşiyê ye ku zaf ji wan destnûsên ku mane bi rêxistin û avakirina sistemeke neteweyî a perwerde û hînkirina zimanê Kurdî, mirov dikare cî û navendeke buhagiran ji bo geşe û perwerdehiya van berhemên xwendîgehên Kurdistanê de veket.

Bi vê dîroka kurt û agehdarbûna ji bûna

ŞERDEBÛN

ADAR JIYAN
adarjiyan@mynet.com

Şerdebûn an jî pewredehî wekî edilandina liv û tevgerên mirov ên sûdewar û erênî tê dîtin. Ji bo wê divê ku em bêtir têkilî giringiya bizavên mirov bibin û zêdetir serê xwe bi vê yekê re biêşînin.

Her mirov li gorî şert û mercên ku tê de dijî, perwerde dibe an jî tê perwerdekirin. Ji bo wê, divê şert û mercên ku mirov tê de dijî, baş bête nasîn û derfetên perwerdehiyê ji bo wî/wê werin amadekirin

Dîroka mirovahiye bi qasî dîroka şaristaniyê qedîm e. Ango dem û domana şaristaniyên qedîm bi mirovahiye re hemsal e. Mirovahiya ku şaristaniyên qedîm afirandiyê, tenê li hember xwezayî û afirînekên ku di goşa wê de dijîn, serî hilnedaye, her wiha ji bo ku ji xwezayê jî sûd û fêdeyê werbigire têkoşiyayê û bi nasandina wê re serê xwe êşandiyê.

Mirovahiye, pêşî bi dorhêla xwe ya nêzik dest bi lêpirsîna jiyaneke aram kiriye û peyre li çar nikarê erdemîna ku li ser dijî, belav bûye û ketiye nav lêgerînên domdar û dûvdîrêj. Hin bi hin nasdarî axê û candar û gyanberên ku li ser axê dijîn, nas kiriye û jiyana xwe spartiyê ax û avê. Ax û av li ku bûne, xwe gihandiyê wan û dest bi ked hilberîna jiyaneke kiriye. Peyre arasteyî jiyaneke aramtir û têkûztir bûye. Ev doman bûye destpêka şerdekirin û şarezabûna mirovan û jiyana wan civatî/civakî. Paşê ketiye nav hewldanên dansîna gerstêrka ku di nava asîmanê heftan de bêstûn û bêsinêde li hawirdora rojê digerin, bûye.. Bi vê yekê jî nayê ser, dikeve nav guherîn û veguherîna rojek tê, gerstêrka ku li ser dijî biçûk dibîne û bitimtêl li rêzemîna jiyân û cîhanêke nenas digere. Û rojek tê hildipeke fezayê, xwe li ser hîvê dibîne.

Zanîn û zanyariyên ku wekî bingeha van pêşveçûn û nûvedaniyên bêsinor tene dîtin, her wext ji perwerdehî û şarezabûna mirov re jî bûne/dibin navgîn. Û ev zanîn û teknolojiya bêdeman îro ji her wextê bêtir rol û rîsta xwe ya dîroki dilîze. Zanîn û teknolojiya îroyîn gelek pêngav û nûvedaniyên nû di xwe de dihewîne. Geşedaniyên zanistî yên ku derfet û pêkaniyên mezin didin pêşveçûna teknolojiyê, di kûrahiya fezayê(asîman) de rîya jiyaneke nû li ber mirovahiye vedike. Bi awayekî vekirîtir pêkan e ku ev şarezahî û zanatiya gerdûnî temenê mirov dirêjtir bike û rojekê ji mirina mirov re li çareseriyekê bigere.

Ligel hemû pêşveçûn û şaresaniyên gerdûnî, îro ro li ser rûyê erdê gelek nanokî û têkeliyên berbiçav jî hene. Bo nimûne, li aliyekî dinê mirov hildipekin fezayê ku li wir



cih û warekî berfirehtir û aramtir ava bike an bibîne; li aliyekî din bi milyonan mirov bi hesreta dilopek av û geza nên dijîn. Hemin ku mirov li aramiya xwe digere, divê ku pêşî mirovahiya cîhanê ku îro wekî malbateke mezin tê dîtin têr û bertêr bike. Heta ku bi gelemperî mirovahî ji tî û birçbûna rojê xelas nebe, ne hilberîna asîmên û qevastina ser hîvê fêdeyê dide û ne jî aramiya wê ya ser rûyê erdê pêkan dibe. Ji lewre şerdebûn û şaristani tevahiye dixwaze û tevahiya şaristaniyê jî li ser hîmê gerdûnîbûneke tevayî ava dibe. Yanî, bi kurtayî aşbûn û arambûna jiyana mirov seranser girêdayî yeksanî û hevpariyêke gerdûnî ye.

Perwerdehî, ji ber ku tevî jiyana mirov dagir dibe û hemû liv û tevgerên mirov durist dibe, pêdivî û pêwendiya her mirovî/ê rasterê bi perwerdehiyê heye. Zayend, nijad, çîn, ol, bawerî hest, raman, rewş, kar, pişe, zanav, temen û kesayetiya mirov çî dibe bila bibê divê pêşî were şerdekirin û perwerdekirin. Cih û warên ku teknolojiya dinê digihêjinê hemû qadên perwerdehiyê ne. Wekî ku li jor jî hate diyarkirin, îro ev rûzemîna ku mirovahiya cîhanê jiyana xwe li ser dikufîne, bûye nola gundekî biçûk û mirovên vê erdemîne jî bûne endamên malbateke mezin. Ew mirovên ku rûdan û geşedaniyên dinê di heman gavê de dibihîsin û dibînin, dikarin şêwirdarî alîkariya xwe xurtir bikin. Dikarin pirsgirêkên xwe yên gerdûnî guftûgo bikin û çareseriyê hêsantir bikin. Dikarin bi saya lav û amrazên teknolojiyê, hevdu perwerde bikin û arîşeyên navbera xwe bi awayekî zaneyane çareser bikin.

Ligel ku mirov wekî ruhberê herî kamil û kelbeng tê hesibandin jî, mixabin îro jiyaneke herî xisaram, ziyankar û hoveber mirov bi xwe ye. Ango tu lewir û ajalên hov û kovî nikare bi qasî mirov ji ber xwe hilîne û xwe bêtoere bike. Sedema vê yekê ne bêperwerdehî ye; perwerdehiya neyinî ye. Yanî perwerdehiya ku mirov arasteyî liv û bizavên heywanî dike û mirov dadixê pileya lewirtiye...

Hemin ku mirov heyîne herî berz û pîroz e; nexwe divê ku li gorî vê pîrozweriya xwe were şerdekirin û perwerdekirin.

Kaniya Helbestan

Bêrî Bihar



Bêrî

Ne giran e hilgirtina êş û kulên min,
Bi hêsani dikarim li hember mij û moranan,
Ne zor e hemêzkirina borana berfan,
Tiştê pišta min xul dike, ne bi tenê mayî û xerîbî ye.

Bêriya zarokên xwe yên kenşekir cejn dikim.
Niha her yek di kolaneke tarî de li du nanê xwe dibeze,
Aliyekî Şêxo daleqiya ye,

Bi sindoqa

boyaxa şikalan ve,
Stûyê Şêrgo bi sîniya şiraniyan ve xwar bûye,
Qîreqîra Ferhad e li ber deriyê xwaringehêkê,
Mezîlûm dikîşe çekçekan di bin siya awirên pîremêrekî de,
Xwêdana laşên wan tevî hev dibe,
Dema bi hev re rûdinin ser pîvaz û nan.
Tiştê min dil dibe ne xizani û hejarî ye,

Bêriya wan dilên piçûk û tede hêviyên mezin dikim.

Sibeha min bi rûgeşiya wan re dibû ronahî,
Dengê wanî zirav û neşmî bû ez ji rewşa tengijî

Ya


derûnî azad dikirim.
Ne min,
Lê wana ez perwerdeyî dijderketinan dikirim.
Ne nexweşî û dilêşî ye tengasiya min,

Bêriya zarokên xwe yên çavtîrêroj dikim.
Di heman wêneyan de tiliyên van "V" li jor,
Bi kenekî dirangewher, bi çavên hûrik,
Hêjî heryek peykerekî giranbiha ye,
Di hêlîna çavên min de xwedîkirî,
Di quncikê herî germ yê dilê min de kedîkirî ne,
Bîranînen wan, bêhn û hilmên wan.
Di pênuşa min de digerin li dever, çî û war,
Tiştê min xemgîn dike ne demsalên hejar û ne payîz e,
Weke hêviyên ji salê zêde mayî, bin bender.
Ne xem e hilweşîna pelên ji daran,
Bêriya zarokên xwe yên rûbihar dikim.


Xaçepirs

Amadekar: Şehab Xalidî

Mencil_senger@yahoo.com



Peyva veşartî



1 2 3 4

Çeprast:

1. Nik – Navê teyrekê ye – Navê darekê ye.
2. Navê duyemîn ê werzişkarekî Kurd e ku çend rojan berî niha di pêşbirkêya Boksê di Almaniyayê de bû yekemîn – Ferşên qahîm bi wê têne çêkirin.
3. Berevajî hekî peyva "Bozê" pêve bihê zêdekirin, navê çiyayekî ye di bakûra rojhilata Kurdistanê de – Di Farsî de tê wateya "Yux".
4. Di Erebi de tê wateya "Netewên" – Berevajî navê rojnameyekê ye ku di Îranê de tê weşandin.
5. Hûn – Navê rûbarekî ye ku dirije nava Behra Xezêrê de – Got.
6. Rijand – Berevajî tê wateya, ka?
7. Berevajî navê meheke sala Zayînî ye – Navê jina ye.
8. Tiramî, kesê pûç û bêçîn e – Êskek e li nêzî guhê mirov.
9. Navê xwarinekê ye – Navê êmişekê ye – Pêxemberê Fileyan.
10. Di qiraxa ava çeman de şîn dibe – Filmeke Yılmaz Guney e – Berevajî navê pezê mê ye.

Serjêr:

1. Roj – Çewiyayî – Peyva "bipêje" bibe bo demê rabihuriya nêzik.
2. Şîn û tazî di Farsî de – Dengê vê aletê pir xweş e – Heke **R** bihê zêdekirin, tê wateya Xencer.
3. Navê jina ye – Ez dihê.
4. wextekê derwazeban (golçî)ê taxîma milî ya Îranê bû – Di serê mirov de ye.
5. Di Farsî de tê wateya "Bê êzayê" – Heke peyva **Î** bihê zêdekirin, navê desthilatdarekî Rûsiyê bû.
6. Agir – Di serdemê Mad de, wan jî di Kurdistanê de hukûmeta xwe hebûn – xwe.
7. Evîna Mem – Dimilkî.
8. Mirovên bi vî rengî jî zaf in – Bê xwê.
9. Berevajî navê heywanekê ye – Ew bi tîpên kirîlîk an jî sirilyek dinivîsin û dixwînin.
10. Di Îngilîzî de tê wateya "eva" (rastnivîsîna Kurmancî) – To – navê din ê "Demeşq"ê.

kultureke wêjeyî a dewlemend û resen di nava zaraveyên başûrî ên zimanê Kurdî de, em dikarin deriyekê ji bo dewran û qonaxeke pîrbuhatir ji çand û toreya nivîsariyê li başûra rojhilata Kurdistanê de vekin. Xwendevanên navdar weke **Perîşan Dînewerî** di vê sedsalê de dest dane pênuşê da ku fesi û qonaxeke nû ji toreya dewlemend a Kurdî li başûra rojhilata Kurdistanê de vekin.

Di çend salên rabihurî de cehd û çalakîyên nivîsandinê bi zaraveyên başûrî ên zimanê Kurdî li herêmên başûra Kurdistanê bi taybetî li parêzgehên Kirmaşan, Îlam û herêma Kelhur de rû li geşkerîna ye.

Çend xetek derbarê edebiyata hevçax a Kurdî li başûra rojhilata Kurdistanê:

Çand û kultura nivîsariyê û çap û belavkirina berhemên edebî hevçax tevî guherînkariyên civaka îroyî a mirovahiyê sanahî li Başûra Rojhilata Kurdistanê de jî xwe di nava jiyana xelkê de cî kiriye û rojbiroj dewlemendtir dibe. Divêt em bibêjin ku hewcehiya bi tîkiliya di navbera kulturen, parastin û geşandina nasnameya neteweyî û hinek hewcehî û daxwaziyan mirovî, hat û çûna nivîskarên hevçerx ên Kurd bo Başûra Rojhilata Kurdistanê û pêwendiyên xurt û berfireh û zêdetir ji hemûyan geşkerîna seha neteweyî ji hegerên sereke yên tevgera nû û kulturî û rewşenbîrî di başûra rojhilata Kurdistanê de ne.

Nivîskar û helbestvanê Kurdistanê zêdetir berhemên xwe di çarçoveya helbest û çivanokan de didin çapkirin. Nivîskarê Kurdziman bi piştrastbûn bi kultura dewlemend a wêjeya devokî ya xwe terzê nivîsandinê bi kar tîne bo tejkirina valahî û nepewendiyên ku jiyana modern li pêvajoya geşkerîna wêjeyê di navbera nîşan de aniye

holê, û pêvajo û formeke nû bi wêje û kultura dewlemend a devoka başûrî a zimanê Kurdî dibexşîne.

Her weke îşare pê hate kirin, gelek ji berhemên wêjeya nû di piroseyeke qalib û forimgirtî a nasnameyê de ne, bi merema peydakirina pêgeha pêkhatiya xwe di başûra rojhilata Kurdistanê de. Eva ku di vê rastayê de hêjayî pûte û giringî danê ye, pêşkevîtin, guhartin û dewlemendbûna vê pirosesa wêjeyî, û pejirandin û mifahwergirtina qat û texên cuda yên civakê ye ji destkevîten ve ronansên di wêjeya başûra rojhilata Kurdistanê de. Roj bi rojê koma nivîskar û xwendevanan zêde dike û di pêvajo û asta niqaş û gengeşeyên wêjeyî de qelem bi destên Kurd şareza û jêhatîtir dibin. Herçiqaş niha piraniya berhemên di qalibê halbest û çirokên Kurd de têne belevkirin.


Ji berhemên nû yên wêjeyî em dikarin ji helbestên **Şamî Kirmaşanî, Perto Kirmaşanî** û berhemê nivîskarê din weke: **Pervîz Binefîşî, Cemîl Ahengnîjad, Ebas Çemçemalî, û Feryad Şîrî û Nahîd Mihemedî** nav bibin. Her yek ji wan berhemên li gorî xwe bas ji pêwendiyên navbera wêjeya resen û devokî û fikir û pêvajoya wêjeya îroyî a Kurd dikin. Di warê rexne û Polênbendiya helbesta nû a Kurdiya başûrê rojhilata Kurdistanê de, cudahiya berçav a vê helbestê eva ye ku ji hêz û şiyarên pêşçav û bêwêne ye zaraveya folklorî mifah wergirtiye. Axaftin di diyalog û zaraveya folklorî, û bedew û nû de, kurt û gelek sade ye. Ev sadeyiye him di mana û him jî di xemilandina ziman de rol û cihêkî girîng heye.

Gotinên nû yan folklorî maneyekî hevterîb


û wekhev çêdike û bi terzekê ji kûrahiya dil ve çavkanî digre û wateya li berçavgirtî a hebûnê tê de nexwastî û fontaziya ye.

Niha pêvajoyekî wêjeyî di holê de ye ku di rastaya pejirandin û wergirtina berçaviyên civakî de ye û pirek e ku pêwendiyên nivîskar û xwendevanan qahîm û kûr û fireh kiriye. Nabe em ji bîr bikin ku nasnameya wêjeyî tenê di çarçoveyê meinewî de şekil nagire, belkî hewcehî bi form û rûçikeke fîzîkî jî heye bo hest û têgihîştineke hevpar. Bêguman di nebûna sistemekî rastnivîsîna neteweyî, nivîsinên hevpar û ektîv, berhemên wêjeyî di nav bazneyeke ne rohn û sergêjiya nivîskî de bo xwendevanan dimîne û nivîskar tevî arîşe û girêpêç û dîwarên cur bi cur bo pêwendî û gehandina dengê xwe bo xwendevanan berenger dibe.

Bersiva Xaçepirs Hejmara 45'an



Peyva veşartî



1 2 3 4

Li Heskîfê “Malên Neolîtîk” Hatî Dîtin

Di kolanên arkeolojîk ên li bajaroka Heskîfê de ku dê di bin ava bendavê

de bimîne, malên dema Neolîtîk hatî dîtin. Wisa tê zanîn ku malbatên mezin ên dema pêşîn ên dêmanî di van malan de jî ya ne.

Serokê Koma Kolana Heskîfê Prof. Dr. A. Selam Uluçam daxuyakirin ku di navbera pira kevn û ya nû de



kolan kirine û rast li kaviên xanek du qatî hatine û li jora ciyê ku kolan kirine, li bakurê rojavayê Tekyaya Îmam Abdullah jî jiyangeheke nû dîtine. Serokê kolanê Prof. Dr. Uluçam da zanîn ku ji qada vê jiyangehê rast li cureya planeke balkêş hatine û weha berdewam kir: “Avahiyên mîna yên ku em ji dema Neolîtîk dinasin ku bi hev ve ne û derî û şibakên gelek nînin û em wana mîna ban binav dikin û bi sîstema xêlî dikevine hundirê van malan, hatine dîtin. Herweha jiyangeh derketin holê ku li gor hezrên me, malbatên mezin di van jiyangehan de jiyane. Me kolanên van herêman teva kir û neha em ê wan bikine belge.

Çavkani: ANF NEWS AGENCY
Wergera ji tirkî: M. Felat Arda - Amîda Kurd

Îsmet Bozan Bû Şampiyonê Cîhanî Yê Boksê

Roja şemî 02.06.2006’an li bajarê “Goch”a Almanyayê, 2 xortên Kurd yên Êzîdî ji Kurdistanê Turkiyê de, beşdarî lîstika Boks ya navneteweyî bûn. Ji gelek neteweyên cuda cuda lîstikvan di vê Galayê de hatin hemberî hev, lê belê lîstikvanên serkeftî Kurd bûn û her du xelatên sereke bi dest xwe ve anî.

Îsmet Bozan dîsan jî li hemberî hevrikê xwe yê Almanî de serkeftî û bo cara duyemîn bû şampiyonê cîhanî û di bin ala Kurdistanê de xelat wergirt.

Herweha di vê rojê de lîstikvanê bihêz



Kemal Tûtkan, şampiyonî û qehremaniya welatê Almaniya yê bi dest xist.

Hêjayî gotinê ye ku ev du lîstikvane qirare cejna serkeftina xwe di Kurdistanê Başûr de bigirin û ji aliyê Hikûmeta Herêma Kurdistanê ve bi fermî hatine gazî kirin.

Malbata Agirî bi vê serkeftina mezin gelek şad û keyfxweş e û pîrozbahiyê ji her du lîstikvan û hemû gelê Kurd dike û hêvîxwaz e mînakên han pir zêde bin.

Berpirsiyarê RMMK’ê Dadgehê Re Hate Gazîkirin

Sala borî dadgeheke bajarê Sine, Mihemed Sidîq Kebûdvend, berpirsiyarê RMMK û birêveberê Heftînameya



“Peyamê Mardom” bi guneha belavkirina mijarên direw û nerast bi merema têkdana raya giştî, afirandina dijberiyê li navbera tax û qatên civakê û anîna rojeva bas û qalên neteweyî mehkûm kir. Dadgehê, weşana **Peyam Mardom** ku Kebûdvend birêveberê vê bû, piştî derçûna 13 hejmaran daxist û herweha navbirî jî bi sal û nîvek zîndan û 5 sal bêparî ji karê rojnamevanîyê ceza da.

Dadgeha pêdeçûn bi ser cezayên navhatî, dîsan tekez li ser van cezayan bo Kebûdvend kir û divêt Kebûdvend xwe ji dadgehê re bide nasandin heya ku cezayên xwe bi dawî bike.

Şewitandina 3 Hezar Gundan Ji Aliyê Turkiyê Ve

Rojnameya Îndîpêndint a Bîrtaniyayê gotarek li ser rewşa Kurdên Turkiyê weşandiye ku tede aniye Turkiyayê heya niha 3 hezar gundan Kurdan şewitandine, bêt we ku kes pê bizane.

Costên Huglerî nivîskarê vê gotarê dide zanîn ku gelê Kurd, neteweyake mezin e ku heya niha di cîhanê de bê dewlet e, herwiha dibêje ku serbarê şewitandina 3 hezar gundan, bi hezaran kes jî bê mal û hal kirine.

Hogler dom dike û dibêje ku Turkiye neçar e ku ji bo endam bûna di YE’ê de mafên kêmaniyan neteweyî û bitaybet Kurdan berçaw bigre.

Jêder: kurdistantv.net

Festîvaleke Mezin Ji bo Fîlma Kurdî Tê Lidarxistin

Yekemîn festîvala fîlma Kurdî ya Melborn **MKFF** qirar e di dawîya sala 2006’an de, li bajarê Melborn Ustraliya yê de birêve biçê.

Komîteya birêveber ya vê festîvalê gaziya derhênerên Kurd û biyanî dike ku ger li ser Kurd û Kurdistanê fîlm çêkirine yan dê çê bikin, ta ku bi fîlmên xwe başdarê vê festîvala Kurdî bibin.

Tanya Reuf yek ji endamên birêveber a vê festîvalê dibêje, “armanca **MKFF** geşepêdan û nasandina berhemên derhênerên nû û ciwan yên Kurd di seranserê cîhanê de ye ku bi hevkarîya civaka Ustraliyayê û bi haydana wan ev festîvale tê lidarxistin.”

Berhem divêt heya roja 30.09.2006’an bigihîjne vê nav û nîşanê:

Box – Tree gulli VIC 3156

1227 Mountain Gate/fern

Email/:

kurdishcinema@kurdishcinema.org